

明
清
史
料

丁編
第一本

中國科學院編輯

明清史料

丁編

上海商務印書館出版
中國圖書發行公司發行

明清史料目錄

丁編第一本

一至一百葉

禮科給事中袁懋功揭帖

浙江巡按秦世禎揭帖

一四

吳淞總兵李成棟殘揭帖

浙江福建總督張存仁題本

一五

浙江福建總督張存仁等啓本

浙江福建總督張存仁揭帖

一六

蘇松巡按盧傳揭帖

浙江福建總督張存仁題本

一七

浙江福建總督張存仁等揭帖

浙江福建總督張存仁揭帖

一八

江寧巡撫土國寶揭帖

浙江巡按秦世禎揭帖

一九

浙江福建總督張存仁揭帖

浙江福建總督陳錦奏本

二〇

浙江福建總督張存仁等殘揭帖

浙江巡撫蕭起元揭帖

二一

刑部尙書吳達海等題本

浙江福建總督陳錦揭帖

二二

福建巡撫修國鼎揭帖

浙江福建總督陳錦揭帖

二三

浙江福建總督張存仁揭帖

浙江福建總督陳錦揭帖

二四

兵部尙書阿哈尼堪等殘題本

浙江巡按趙喘揭帖

二五

敕諭浙閩總督陳錦稿

浙江福建總督陳錦揭帖

二六

浙江福建總督陳錦揭帖

二七

浙江福建總督陳錦揭帖

二六

紹興府諸暨縣草莽臣吳凱奏本

二九

福建巡按霍達揭帖

三〇

江南江西河南總督馬國柱題本

三一

勅諭招撫標前鎮總兵官楊子龍稿

三二

勅諭舟山監軍副使高樹勳稿

三四

勅諭沙埕侯吳凱稿

三五

沙埕舟山招撫使嚴我公揭帖

三六

浙閩總督報擒僞德化王等殘揭帖

三七

舟山總兵官顧奇勳本揭

三八

沙埕舟山等處招撫使嚴我公揭帖

三九

南贛巡撫劉武元揭帖

四〇

浙江巡撫蕭起元揭帖

四一

福建總兵馬得功奏揭

四二

兵部揭帖

四三

順治八年五月海寇突入白埕殘件

四四

浙江巡撫蕭起元揭帖

四五

浙江福建總督陳錦題本

四六

刑部尙書劉餘祐等殘題本

四九

兵部揭帖

五一

浙江福建總督陳錦揭帖

五二

兵部和碩承澤親王碩子等殘題本

五四

戶部尙書車克等殘題本

五七

浙江福建總督陳錦殘揭帖

五八

廣東巡按楊旬璞題本

六〇

福建左路總兵王之綱塘報

六一

廂黃旗正欽尼哈番鄭芝龍奏副

六三

福建巡按王應元揭帖

六四

敕諭浙閩總督劉清泰稿

六五

失名密奏區處海寇稿

六

廂黃旗下正欽尼哈番鄭芝龍揭帖

六

敕諭浙江福建總督劉清泰密稿

六

福建巡按趙如瑾揭帖

六

蘇松巡按秦世禎題本

六

敕諭鄭成功稿

九

福建巡按王應元揭帖

七

福建巡撫修國器殘題本

九

敕諭浙江提督田雄稿

七

平南王揭帖

七

刑部尙書圖海等殘題本

七

兵部尙書噶達洪等殘題本

九

查明漳州解圍功次殘件

七

都察院左都御史王永吉密揭

七

福建巡按王應元題本

七

江寧巡撫周國佐揭帖

九

刑部尙書交羅巴哈納等殘題本

九

兵部尙書噶達洪等題本

九

福建巡撫張學聖揭帖

八

勅諭同安侯鄭芝龍等稿

八

勅諭奉化伯鄭鴻達稿

八

同安侯誥命稿

八

擬海澄公勅稿

八

廂黃旗下正欽尼哈番鄭芝龍揭帖

八

明清史料

丁編第一本

一至一百葉

禮科給事中袁懋功揭帖 順治三年七月二十八日到本揭對同

禮科給事中袁懋功謹揭爲亟清仕籍之路以遏奔競之門謹陳末議仰祈聖鑒事職惟皇上嘉意作人求賢若渴一歲之間再行科舉海宇之內蒸蒸向風至于南省投誠各官悉加赦過宥罪令其赴京朝見甚盛典也然而起送漸多流品漸雜其中恬淡愛鼎者自能靜聽聖朝之雨露然而徘徊京邸人虞珠桂不免久生覬覦則奔競夤緣勢所必至職伏觀皇上於新中進士皆令回籍候選是新進諸臣之下情皆蒙聖恩優卹而南來諸臣獨令其處於似進似退之間職恐疆輿漸廣何地無人而人品混淆必有倖濫之小人妄希進用者卽如江南阮大鍼壞事明朝士林不齒頃者與馬士英朋比爲奸擁立福王抗拒天命工其狙獪之術快其報復之私誤江南數萬之生靈費國家逾年之兵力江寧初下不卽時歸誠猶且竄伏江東尙欲陰圖不軌及錢塘師渡知事不可爲方巧詞投順今士英旣已授首而大鍼獨荷朝見之恩職仰窺聖意抑謂其投誠一念不可泯沒耳然而元兇巨惡在前朝則壞前朝在今日必壞今日卽謂不宥大鍼恐阻天下投順之心何不特賜生全予不死俾其沒齒江東亦足以示皇恩之浩蕩乎伏乞勅下該部詳查南官在京者悉令各回原籍靜聽量材酌用而阮大鍼之梟獍急宜收回成命勒令放置田里則仕籍肅清而奔競可以預杜矣爲此除具題外理合具揭須至揭者順治三年七月日

吳淞總兵李成棟殘揭帖 順治三年八月初十日到本揭對同

鎮守吳淞等處地方總兵官都督同知李成棟謹題爲恭報啓行招獲懇察前叙微勞伏望聖明霽恩鼓勵事職奉貝勒調征入閩業已拜疏啓行因督臣吳勝兆未到地方職念沿海重地未卽撤兵該職先准撫按移會并洪內院憲行招徠海洋僞將除招安過人民另冊報知內院外今陸月貳拾捌日據寶山遊擊馬景元報稱浙東僞與國公王之仁因見貝勒大兵渡江浙東將士風靡之仁隻身航海聞撫來投連人呈解到職又據柘林遊擊王之柱招到浙東水師總兵夏道隆在瞿山剃髮並賣關防一顆前來復又招徠副參遊擊李文貴等捌員俱剃髮投誠各願隨征報效贖愆除王之仁夏道隆因係前朝大帥應否准其來投未敢輕爲專擅遂撥兵嚴護移送撫臣轉解內院具題其將官辛國登莊國泰貳員病軀未痊不便隨征并移撫臣發落而李文貴等隨職入閩許其圖功自贖昭我皇上與皇叔父攝政王仁外之仁以開自新之路今柒月初貳日復探沿海地方有僞監國魯王封僞兵部職方司周毓祥窺職束裝南征集船謀取金山職卽密發副將杜永和等攻其不意而參遊李建勛奮勇直前生擒毓祥解職移送撫臣轉解內院正法職因思仰賴天威節守重地從前克戰獲寇諸績如殺敗鄭兵招安賀豹生擒黃吳二逆帥攻克嘉定上海青浦金山以至寶山劉河及崇明海外一邑擒斬叛官侯承祖等又都司李元胤擒獲吳江殺官賊首龔敬灣陣擒湖賊張仙路受封小三王僞兵部陳素嫡弟陳存僞將劉炳僞總兵張廷選並僞唐王差來僞總兵羅騰蛟及僞將張文周子敬僞兵部員外俞廷迴又擒故明安昌王弟朱恭操弟兄子姪蒙撫臣內院歷紀功次而按臣又有剿撫業獲全局一疏叙職之功開山第一職益自惶悚何敢任受此皆職標各將用命報稱之力居多耳今又新獲僞兵部周毓祥招撫各

帥王之仁等卽此前後勞績咸非職之所有今各將亦非自以爲勞而不得不沾沾望恩者蓋因各有前朝部筭上年隨職投順悉繳豫王未蒙換給今各將已著戰守之績未蒙授事之銜職今統斯戮力之人整旅前進蕩平八閩則汗血之功正在未艾而膏澤之惠似宜蚤需諒皇上與皇叔父攝政王仁慈浩蕩必不靳此殊數之典以爲勵世磨鈍之法伏乞皇上勅下該部查職前題備述諸將戰守勤勞等事并再述諸將勤勞分禦水陸汛□□兩疏所開各將杜永和李漢貴等肆拾員及新著擒撫功績李元□應炤功次叙錄（缺二十至四十字）歷叙諸功字稍逾格統祈（下缺）

浙江福建總督張存仁等啓本

欽差總督浙江福建等處地方軍務兼理糧餉兵部右侍郎兼都察院右副都御史臣張存仁巡撫浙江等處地方提督軍務都察院右僉都御史臣蕭起元巡按浙江監察御史臣王應昌謹啓爲報明查勘逆產仰候聖裁事照得首逆朱大典一人作孽萬姓遭殃其滔天罪惡固已罄竹難書所遺田房產業并僞閣部張國維僞總兵金良洪家產什物相應籍沒以充軍餉茲臣等行據該道府縣查明詳報朱大典田共肆千叁百叁拾玖畝伍分零山共壹千捌百伍拾伍畝叁分零地共叁百肆拾玖畝陸分零塘共壹百陸拾捌畝陸分零房屋共陸百壹拾肆間半花息租穀共伍千肆百捌石叁斗壹升租麥共捌拾壹石捌升租銀共捌拾肆兩柒錢張國維共廳房大小莊屋貳百肆拾肆間據子張世鵬供出有珠冠貳個首飾共貳百兩金壹百兩珠花貳拾枝玉盃叁對犀盃拾箇金盃壹對銀盃拾箇銀伍千伍百兩酒器叁拾副奇楠帶壹條花銀帶壹條玉帶壹圍金帶壹條袖衣拾件紗衣拾伍件犀帶壹圍錫器叁拾件牙佛肆箇花梨床壹張宣爐叁箇水晶佛壹箇袖拾疋琥珀鑒叁箇緞叁疋繭袖壹疋今見追出元寶陸錠珠冠壹頂紗衣拾伍件香帶壹條花銀帶壹條小珠花拾件珀鑒壹箇臺鑒叁箇犀盃肆隻碎銀貳拾封約計貳百兩又據張世鵬供稱有銀叁千兩寄在石門安文地方差典史張允昌押取未回又陸續追出酒器肆拾件重玖拾貳兩柒錢外銀鍾壹箇重壹兩叁分金盃貳隻小銀鍾肆箇裏金帶壹條烏紗珠小髻貳箇零星蜜花壹封銀麒麟壹箇銀鳳簪貳枝蜜結壹箇玉花叁枝蜜花肆枝翠花貳枝銀搜山虎貳箇銀牙丈套壹箇零星裏金花壹小封蜜鑒貳箇牙快拾捌雙銀壹千叁百兩同前報過銀數面同知縣陳俊卿拆封兌足共銀貳千叁百兩酒器等件在外封貯縣庫候文取解又獲張世鵬

馬貳匹金良洪共田伍拾壹畝貳分零共地叁拾壹畝伍分零共山貳拾肆畝玖分零共塘肆拾貳畝伍分零共房屋壹拾玖間共租穀柒千玖百玖拾肆斤共租麥貳千陸百貳斤等因臣查朱大典金良洪貳犯房產什物等項未有定價而張國維名下所追財物與張世鵬所供懸異其中監收之官恐有隱匿除駁批該道一面照數估變價值一面搜查確數另疏外合先報聞至于張國維名下見在查追貯庫銀貳千叁百兩并酒器什物等項或即將原物解京或併變價解京或仍留本省充餉統候上裁行臣等遵奉施行緣係報明查勘逆產仰候聖裁事理爲此除具題外理合具本專差官齊備齋捧謹具啓知順治叁年拾壹月拾伍日總督浙江福建等處地方臣張存仁巡撫浙江右僉都御史臣蕭起元巡按浙江監察御史臣王應昌

蘇松巡按盧傳揭帖 順治四年五月初五日到本揭對同

巡按蘇松等處監察御史爲湖海聯捷反側潛消人心大定謹據實彙報仰慰聖懷事職惟蘇松四郡古稱澤國外海內湖盜賊憑以爲窟職奉命于役以來日切隱憂止因職入境之始爲計典肇舉之時凜凜於吏治臧否亦既極意澄汰冉冉三冬未遑出門一步入春屢接警報不敢卽安於新正十五日舍舟登陸星馳雲間商同撫鎮分布四應而賊果墮我彀中矣節據前後塘報其在舊委崇明營副將李魁則報稱奪船斬寇擒活賊李廷輔李得功也總鎮楊承祖則報稱追賊平沙獲船一隻擒活賊一名李顯餘盜盡被淹沒也撫標中軍曹虎則報稱砍賊溺水無數獲賊韓景仁等十一名奪沙船六隻紅衣砲百子銃四十餘尊并火藥箭械僞示僞劄等件也督標遊擊韓文盛則報稱衝殺賊營奪得沙船三隻獲賊楊瑞等四十口名也福山千總王朝會則報稱追獲賊船一隻獲活賊汪自富等六名也總鎮楊承祖又報稱追賊排沙弓矢齊發賊溺死甚多奪船一隻獲活賊毛士林等一十三名也撫標中軍曹虎又報稱奪有船械并獲賊王保等二十五名也新委崇明營副將劉善政則報稱平沙與賊對戰當斬有髮僞官并餘賊五六十人其帶傷逃去者甚衆且有沈廷揚家人杜大投順在船也此海上之捷音也其在撫標參將周祚新則報稱於李華家生擒僞軍門唐世禎并於陳約家起出旗銃等物也督鎮吳勝兆則報稱潑湖大戰當陣賊溺死者不計其數活擒巨寇僞定魯將軍曹子嘉等并僞印僞旗等物也督標中軍詹世勳則報稱獲到僞總兵施湯賢并僞勅僞印私書等物也此湖中之捷音也要之海上之口則黃斌卿張名振黃朝先沈廷揚爲首而每倚湖賊爲內應湖中之賊則曹子嘉金娘舅爲首而又恃海賊爲外援線索潛通流言相鼓策之吳中新附之餘風鶴未定易動難靜一有警息羣訛鼎沸

職用是私憂過計卽新正上元無復年華令節之樂馬上奔馳凡兩閱月職西北人枕戈擊劍素所服習不敢言勞惟是仰仗我皇上皇叔父攝政王威靈遐暨及總督內院臣洪承疇指示方略在事文武將士同心戮力遂使積年湖寇一旦束手就擒而海氛亦各膽驚跡遁流訛潛消耕芸弗變三吳一塊土□茲可以無煩聖明南顧之慮矣除先經陸續揭報總督內院外其功次另查呈達兵部聽候彙叙謹會同巡撫江寧等處地方都察院右副都御史土國寶提督蘇松常鎮地方總兵官吳勝兆合詞具題伏乞聖鑒施行爲此除具題外理合具揭須至揭帖者順治四年三月日監察御史盧傳

浙江福建總督張存仁等揭帖

順治四年五月二十四日到本揭對同

欽差總督浙江福建等處地方軍務兼理糧餉兵部右侍郎兼都察院右副都御史張巡撫福建等處地方修國鼎爲報明調發廣省官兵事切照督臣修養甲□經統領兵馬直抵廣東省城地方漸次底定□不勝踴躍快睹皇上皇叔父攝政王一統大業並具勒開疆闢土之元勳也職奉貝勒諭開闢地蕩平底定廣東目下就緒王之綱楊佐二將內酌調一員于廣東其一員或獨守或協守俱在該督隨材量地而使之也等因到職職查漳州十縣皆臨邊海處處有賊在在宜防更有逆賊鄭彩周崔芝等海叛諸賊擁戴魯藩勾結土寇不時竊發職因分撥楊佐下馬兵一百名駐防同安又馬兵一百名駐防海澄其餘三百馬兵職慮漳郡馬兵缺乏責令楊□□領協同總兵孟全勝駐劄郡城庶可以消漳患而並可以援泉警矣至于王之綱兵馬查貝勒原開五百員名今除陣亡逃故外見在實止三百七十餘員名第閩地界連江廣土寇徧布山谷海賊游移水洋而雲霄鎮龍巖詔安諸處尤切剝膚之災職已將王之綱兵馬安設雲霄龍巖詔安緊要諸處布置周備漳泉可藉以無虞俟擒勦鄭彩魯藩諸奸掃靖沿海寇盜再酌撥發職念督臣遠居廣省恐乏兵分防且均屬朝廷封疆職亦何敢岐視因與撫臣修國鼎商議撥發貝勒原委副將管福建都司事郭光祖帶領官兵一千八百五十二員名給以月糧前赴廣東以充該督標兵之數况查光祖原屬遼東人品貌□偉弓馬熟練將士咸樂爲用故特令之前往至于所帶兵丁除閩撫舊額標兵一千名外餘則新招土兵四百七十七名又投誠參將陳明下兵二百七員名并投順遊擊馮懷晉等兵一百六十八員名夫以閩省土兵用之閩地故不堪充心腹易其地以用調之粵中或亦可壯聲靈之萬一乎職總爲皇上皇叔父攝政王封疆計安危故不敢膜視遴撥隔省

遼將統兵以往統祈聖明鑒察施行爲此除具題外須至揭帖者順治肆年叁月貳拾捌日

江寧巡撫土國寶揭帖 順治四年五月十七日到本揭對同

欽差總督糧儲提督軍務巡撫江寧等處地方都察院右副都御史今降調土國寶爲緊急塘報事本月十八日酉時據蘇松道臣趙福星呈據提督鎮標左營中軍都司高永義守備夏友功沈蘭董友明董友才等報稱本月十六日夜三更時分有防刑二廳遭提督吳當堂殺戮又忽傳標下各官強割辯子意欲下海從叛義等將主岑應元被差領兵吳淞不知反情義等知法網難逃已率衆擒獲提督本城百姓全未驚動等情據此擬合飛報等因十九日午時復據松江府知府傅世烈知縣潘必鏡副參遊都守詹世勳等報稱本月十六日酉時分有吳提督傳請理刑方推官海防楊同知華亭潘知縣在公堂議論水手下湖勦賊說至二更時分言畢起身不意副將李魁守備馬雄率領同謀作反一黨戴之俊陸問吳著喬世忠孟學孝顧友成等手執鎗刀將方推官楊同知亂刀砍死華亭縣倖免卑職等竟不知覺及至天明十七日卯時方知卑職等竟不知爲何緣故率領本營兵丁隨將作反李魁等自卯時鏖戰至辰方行捉獲陸問吳提督餘者盡行當場殺死我在鎮官兵重傷無數理合塘報又據原任督標副將今降一級調用詹世勳報稱本月十六日酉時有提督吳傳請理刑方推官海防楊同知華亭縣潘知縣在於公堂議至二更時分言畢起身不意有罪犯弁李魁馬雄率領首謀叛黨戴之俊等先經暗伏多兇各執鎗刀將刑防二廳亂刀砍死華亭知縣倖免隨喝兇衆勢逼各官割辯職等始知卽傳各營管官職同副將楊文啓并參遊都守李承印岑應元余養清陳可韓文盛吳奇劉良璧史朝憲郭文舉李尙慧馬鳴世王承忠王之棟董友明張友功沈勇余日新劉仕賢沈蘭高永義袁友良劉承勳吳少良葉從登吳進功尹成名李友功李得勝董友才盛世用吳得功季元楊國柱敖正法孫應龍劉得玉姜